

## Joolai ahn Maskita

Maskita wan, maskita too  
Mastika jomp eena hat kalaloo!

Evribadi noa seh dat wid rayni seezn kohn maskita. Pahn tap, di Minischri a Helt put owt lat a mesij fi mek wi kleen op wi yaad ahn noh di ga no waata di sidong bowt di plays, laik eena oal taiya er oal pat, sayka di maskita lov si dis! Wen maskita si waata di sidong di sata eena wan plays, da rait deh ih goh goh mek lat a lee maskita pikni. Soh memba seh wi deh eena Joolai, rait eena di migl a rayni taim ahn maskita taim. Pahn tap a dis, koroanavairos (COVID-19) deh ya eena dis 2020 Joolai. Soh, chek owt dehnya Kriol chranslayshan bowt maskita bizniz:

### **Kriol**

bait  
brok boan feeva  
dengeh  
Joolai  
malayrya  
maskita, maskito, flai,  
schraika

### **English**

bite  
dengue fever  
dengue  
July  
malaria  
mosquito  
striker mosquito

**Kriol:** Di schraika badi blak, ahn lang laik needl.

**English:** The striker mosquito has a black needle-like body.

**Kriol:** Dehn schraika bait hat hat hat, hata dan aal a di ada maskita dehn.

**English:** The striker mosquitos bite very hard, harder than any other mosquito.